



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՈՐՈՇՈՒՄ

13 հուլիսի 2011 թվականի №338Ն
ք.Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2007 ԹՎԱԿԱՆԻ ՀՈՒՆԻՍԻ 15-Ի № 272Ն ՈՐՈՇՄԱՆ ՄԵՋ ԼՐԱՑՈՒՄ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Էներգետիկայի մասին» Հայաստանի Հանրապետության օրենքի 22-րդ հոդվածի 1 -ին կետը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2007 թվականի հունիսի 15-ի «Հայաստանի Հանրապետության էներգետիկայի բնագավառում սակագների սահմանման ու վերանայման կարգը հաստատելու մասին» №272Ն որոշման 1-ին կետով հաստատված հավելվածում՝ Հայաստանի Հանրապետության էներգետիկայի բնագավառում սակագների սահմանման ու վերանայման կարգում (այսուհետ՝ Կարգ), կատարել հետևյալ լրացումը և փոփոխությունները.

- 1) Կարգի 3.1 կետը լրացնել հետևյալ բովանդակությամբ նոր նախադասությամբ.

«Լիցենզավորված անձը հայտը հանձնաժողով մուտքագրում է սույն կարգի №3 հավելվածով սահմանված ձևով հայտարարությունը հրապարակելուց ոչ ուշ, քան 30 օր հետո:».

- 2) Կարգի 4.2 կետի 1-ին ենթակետը շարադրել նոր խմբագրությամբ.

«1) նախապես այդ մասին գրավոր տեղեկացնում է լիցենզավորված անձին՝ բացառությամբ այն լիցենզավորված անձանց, որոնց էլեկտրակայաններից առաքվող էլեկտրաէներգիայի սակագները հաշվարկվում են համաձայն Հայաստանի Հանրապետության հանրային ծառայությունները կարգավորող

հանձնաժողովի 2007 թվականի մայիսի 4-ի «Հայաստանի Հանրապետության տարածքում վերականգնվող էներգետիկ ռեսուրսների օգտագործմամբ էլեկտրական էներգիա արտադրող կայաններից առաքվող էլեկտրական էներգիայի վաճառքի սակագների հաշվարկման մեթոդիկան հաստատելու և այդ կայաններից առաքվող էլեկտրական էներգիայի 2007 թվականի վաճառքի սակագները սահմանելու մասին» №207Ն որոշման 1-ին կետով հաստատված մեթոդիկայի».

- 3) Կարգի №1 հավելվածով սահմանված ցանկի 2-րդ կետում «երեք հազարից» բառերը փոխարինել «երկու հազարից» բառերով.
 - 4) Կարգի №3 հավելվածում «դիմել է» բառը փոխարինել «մտադիր է դիմել» բառերով.
 - 5) Կարգի №4 հավելվածի 4-2 և 4-8 ձևերի աղյուսակները շարադրել նոր խմբագրությամբ՝ համաձայն №1 և №2 հավելվածների.
 - 6) Կարգի №4 հավելվածի 4-7 ձևի 1.1.6 ենթակետում և №5 հավելվածի 5-3 ձևի 1.6 ենթակետում «Ձորա ՀԷԿ» փակ բաժնետիրական ընկերությունից» բառերը փոխարինել «Ձորագետ Հիդրո» սահմանափակ պատասխանատվությամբ ընկերությունից» բառերով.
 - 7) Ուժը կորցրած ճանաչել Կարգի №4 հավելվածի 4-9 ձևի աղյուսակի 10.2 ենթակետը, 14-րդ կետը, 4-10 ձևի աղյուսակի 6-րդ կետը, №5 հավելվածի 5-3 ձևի աղյուսակի 1.7 ենթակետը.
 - 8) Կարգի №5 հավելվածի 5-4 ձևի աղյուսակը շարադրել նոր խմբագրությամբ՝ համաձայն №3 հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱԼ՝**

Ն. ԳՐԻԳՈՐՅԱՆ